

SAKSPAPIR

Saksnr	Utval	Type	Dato
038/14	Levekårsutvalet	PS	17.06.2014

Saksbehandlar	ArkivsakID
Eileen M Feste	14/339

Kulturmidlar - tildeling 2014

Vedlegg:

idrett

3770 Kunstformidling og musikk

Barn unge

3850 Andre kulturtilbod

3750 Kulturvern og samlingar

Kulturmidlar idrett - Lindås Idrettsråd 2014

Uttale til framlegg om kulturmidlar 2014 frå Lindås kulturråd

Rådmannen sitt framlegg til vedtak:

Levekårsutvalet vedtek rådmannen sitt framlegg om tildeling av kulturmidlar for 2014.

Levekårsutvalet - 038/14

LE - behandling:

Handsaming i Levekårsutvalet - 17.06.2014:

Helge Fjellanger-V gjekk etter handsaming av kategori 1 idrett.

1. Kategori - Idrett:

Drift: Rådmannen sitt framlegg vart samrøystes vedteke.

Aktivitet / prosjekt: Rådmannen sitt framlegg vart samrøystes vedteke.

Investeringar: Rådmannen sitt framlegg vart samrøystes vedteke.

2. Kategori - Kunstformidling og musikk:

Drift:

Framlegg frå J. Hellestveit-Sp: Kaland skulekorps får kr. 10.000 i driftsstøtte. Framlegget fekk 1 røyst og fall (J. Hellestveit- Sp).

Aktivitet:

Fellesframlegg:

Rådmannen sitt framlegg med endringar: Nordhordland kunstlag får kr. 2000.- i prosjektmidler (vert strøken under drift).

Songlaget Alvidt/Manger får kr. 4000 til drift (ikkje 4250 som rådmannen sitt framlegg).

Fellesframlegget vart samrøystes vedteke.

Investeringar: Rådmannen sitt framlegg vart samrøystes vedteke.

3. Kategori - barn og ungdom:

Drift: Merknader til framlegget: Hundvingrend Indremisjon vert retta opp frå kr. 11.100,- til kr. 5000,- og Lindås speidergruppe vert retta opp frå kr. 0 til kr. 5000,-

Rådmannen sitt framlegg med merknader vart samrøystes vedteke.

Aktivitet / prosjekt: Merknader til framlegget - Søknad frå Søndre Veland vert endra til kr. 0,-

Rådmannen sitt framlegg med merknader vart samrøystes vedteke.

Investeringar:

Framlegg frå Sp og Ap: Investeringstilskot: Seim musikklag får ikkje støtte til kjøp av tuba.

Framlegget frå Sp og Ap fekk 3 røyster og fall (Bjørn Brunborg-Ap, Mette Bøe-Ap og Jostein Hellestveit-Sp).

Rådmannen sitt framlegg vart vedteke med 6 røyster (Anne Julie Hetland-H, Ingrid Fjeldsbø-H, Asle Hetlebakke-Krf, Elin Mosevoll-Krf, Gunnlaug Melhus-Krf, Gudmund Husdal-Frp).

4. Kategori - Andre kulturtilbod

Drift: Rådmannen sitt framlegg vart samrøystes vedteke.

Aktivitet / prosjekt:

Fellesframlegg:

Rådmannen sitt framlegg med endringar:

Aktiviteter og prosjekt: Andre kulturtilbud. Osterfjorden Sokneråd kr. 0,- Stordalen Vel kr. 0,-

Fellesframlegget vart samrøystes vedteke.

Investeringar: Rådmannen sitt framlegg vart samrøystes vedteke.

Framlegg frå Krf, Sp og A. J Hetland (H):**Rådmannen sitt framlegg med endringar:**

Aktivitet/Prosjekt: Andre kulturtilbud.

Osterfjorden pensjonistlag kr. 0,-

Framlegg frå Krf, Sp og A. J Hetland-H vart vedteke med 5 røyster (Asle Hetlebakke-Krf, Elin Mosevoll-Krf, Gunnlaug Melhus-Krf, Jostein Hellestveit-Sp, Anne Julie Hetland-H).

Investeringar:

Framlegg frå Bjørn Brunborg-AP:

Søknad fra Lindåstunets venner om å opparbeide sansehage og rehabilitere parkanlegg ved Lindåstunet støttes ikke.

Det blir formidlet til søker at en kan fremme ny søknad når videre drift og eierforhold er avklart.

Framlegg frå Bjørn Brunborg-AP fekk 2 røyster og fall (Bjørn Brunborg-AP og Anne Julie-Hetland-H)

5. Kategori - Kulturvern & Samlingar

Drift: Rådmannen sitt framlegg vart samrøystes vedteke.

Aktivitet / prosjekt: Rådmannen sitt framlegg vart samrøystes vedteke.

Investeringar: Rådmannen sitt framlegg vart samrøystes vedteke.

Framlegg frå Bjørn Brunborg-AP

Levekårsutvalet ber rådmannen harmonisere tildelingar med utgangspunkt i medlemsmasse for barn og voksne i de ulike kategoriene for tildelingene i rammen for kulturmidler.

Framlegget frå Bjørn Brunborg-AP vart samrøystes vedteke.

LE - vedtak:**Vedtak i Levekårsutvalet - 17.06 2014:**

Rådmannen sitt framlegg vart vedteke med dei endringane/tillegga som ligg i handsaminga.

Saksopplysningar:

Levekårsutvalet vedtok i sak 08/14 nye retningslinjer for tildeling av kulturmidlar. Desse trådte i kraft 01.02.14 og vart gjort kjend via Lindås kommune sine heimeside og som brev til lag/organisasjonar.

I mars 2014 vart ramma for tildelinga vedteke av Levekårsutvalet.

Kategori	Ramme kulturmidlar 2014
Idrett	715.200
Kunstformidling & musikk	512.700
Barn & ungdom	297.500
Andre kulturtilbod	189.800
Kulturvern & samlingar	282.400
Avsette midlar til tildeling hausten 2014	40.000
Totalt	2.037.600

Løyvinga til kulturmidlar har ikkje auka i perioden 2012 til 2014. I praksis vil det seie at lag/organisasjonar mottar mindre tilskot i 2014 enn i 2012 grunna inflasjon og prisauke. I Kulturplan for 2010-2020 heitar det «Ta sikte på at ramma for den økonomiske støtteordninga til lag/organisasjonar vert auka med 50% frå 2009 nivå.»

Tilskot til ålmenne kulturføremål vart utlyst i samband med fulldistribusjon i avisa Nordhordland 05.02. og 12.03. I tillegg vart det også gjort kjent på Lindås kommune si heimeside samt Facebook. Utlysning vart også sendt ut via epost til lag/organisasjonar vi har adresse til. Kulturmidlar var også tema på kultureininga sine temamøtar med lag/organisasjonar. Desse vart gjennomført på Lindås, Alversund, Knarvik og på Ostereidet i februar 2014.

Frist for å søkje kulturmidlar er;

Drift	15. mars
Aktivitet/prosjekt	15. mars med resttildeling 01. september
Investering	15. mars

I samband med fristen 15. mars vart det registrert 87 innkomne søknadar. Det har dei siste 3-4 åra vore ca 140-150 søknadar til hovudtildelinga. Fleire av dei store lag/organisasjonane var ikkje registrert med søknad, sjølv om dei opplyste at dei hadde søkt. Det var gjennomført undersøkinga på kva som var problemet. Problemet har oppstått i samband med innføring av nytt saksbehandlingssystem – Acos. I mellomtida vart det avklart med leiar i Levekårsutvalet at ein måtte

forlenge søknadsperioden til 15. mai. Brev med oversikt over kven vi hadde motteke søknadar frå, vart gjort kjend via heimesida, Facebook og via ordinær post til lag/organisasjonar. Det var viktig å sikre at alle som hadde søkt, fekk sin søknad behandla i samband med hovudtildelinga.

Vi har motteke 131 søknadar til årets hovudtildeling. I rådmannens forslag er det tildelt **kr 1.954.034**. Det betyr at om Levekår følgjar rådmannens innstilling, vil det verte ei **resttildeling på kr 83.566** til hausten i samband med resttildeling for aktivitet/prosjekt med søknadsfrist 01. september.

Lindås kulturråd er etablert, men fungerer førebels som eit interimstyre fram til ordinært årsmøte innan april 2015. Dei har fått forelagt rådmannens innstilling men følar dei ikkje har grunnlag for å komme med konkrete innspel i år.

IDRETT

Til disposisjon: kr 715.200
Antall søknadar: 22

Rådmannens innstilling: 723.134

I rådmannens forslag til innstilling er det eit meirforbruk på kr 7.934.

Lindås idrettsråd (LIR) er høyringsorgan for sakar som har med idrett, Dei har fått rådmannens innstilling til uttale. LIR skriv i si uttale at dei sett stor pris på samarbeidet mellom Lindås kommune og rådet og er nøgd med prosessen kring kulturmidlane. Dei ville imidlertid påpeike nokre punkt dei var uenig i.

I rådmannens opprinnelege høyring vart Stordalen Vel ført opp med søknad om tilskot til å kjøre opp løype i Stordalen. Levekårsutvalet har fått søknad om dette i fleire år. Stordalen er eit nært og populært utfartstad for ski køyring i Nordhordland med mange hytteeigarar og dags turistar frå Lindås. LIR er av den formeining at søknaden ikkje høyrar heime under idrettsgruppa, da dette ikkje er å rekne som eit idrettstiltak. Søknaden er flytte til «andre kulturtilbod».

LIR ønskja også at søknaden frå FIL/AKS 77 om tilskot til NM show i samband med medaljeutdeling på halvmaraton under Knarvikmila, burde overførast til andre poster. NM showet er eit samarbeidsprosjekt mellom profesjonelle aktørar frå t.d Eikanger/Bjørsvik og 10 skulekorps frå Nordhordland. I tillegg til å spele på showet, skal dei også delta langs løypa på dagtid for å skape stemning. Søknaden vert behandla under kategori idrett.

Drift

Dei laga som er medlem av Norges idrettsforbund, er innstilt på følgjande

0-20 år	kr 160
20 +	kr 82

Idrettsskule

20-60 deltakare	kr 11.000
61-100 deltakare	kr 13.000

Funksjonshemma

1-2 deltakare	kr 9.000
8-10 deltakare	kr 16.000
25-30 deltakare	kr 25.000

Ikkje medlem av Norges idrettsforbund

0-20 år	kr 160
---------	--------

Aktivitet/prosjekt

Nordhordland skiklubb skal arrangere eit årleg Knarvik XTream, ei løype som tar deg med gjennom lyng og myr, gjennom skog og over fjell. Turen skal vere både for dei som ønskjer å løpe til dei som ønskjer å vandre i vakker natur. Slike ekstrem løypar er populære og har fått mange påmeldingar der slike vert arrangert – eit godt folkehelseilbod.

Fil/Aks 77 skal arrangere NM show i samband med medaljeutdelinga på halvmaraton i samband med Knarvikmila.

Eikanger IL si trimgruppe har etablert 10 fjellturar i nærområde som dei har kalla «10 fine turar». Desse har vorte veldig populære også for folk busette andre stadar. Mange som ikkje har lokalkunnskap, lurar på kor løypen begynner, kor ein kan parkere, oppmerking og andre praktiske spørsmål. Eikanger IL vil systematisere dette på ein betre måte med m.a. merking og info om turløypene. Dette er eit svært godt folkehelseilbod.

Knarvik IL ønskje å etablere frisbeegolf i Knarvik. Banen skal snirkle seg gjennom heile området og vert ein kombinasjon av turløype og aktivitet. Eit nytt og spennande tiltak som vil kunne appellere spesielt til barn/ungdom.

Nordhordland flyklubb etablerte «Wings & wheels» for første gong i 2012. Det er eit kombinert fly og bil show i Knarvik med aktivitet retta mot familiar. Det vert arrangert aktiviteter både på land og i lufta.

Investering

Nordhordland hestesportklubb har dei siste åra har mesteparten av si aktivitet på Konglevoll. Dei har ikkje eige anlegg eller utstyr og er avhengig av å leie. Dei søkjar tilskot til kjøp av stevnevogn, hindermateriell og lydanlegg.

Eikanger IL har søkt tilskot til å setje opp levegg/benk til sandvolleyballanlegget som vart opna ved Ostereidet idrettspark i vår.

Lindås skyttarlag må oppgradere og modifisere skive elektronikken på 100 meter, inkludert skivestativ, tak og sikring av elektronikk.

Lindås IL eig eit klubbhus som ligg ved Lindås idrettsplass og som no treng vedlikehald/rehabilitering. Det har oppstått lekkasje i tak og ein må skifte vindauge.

Seim skyttarlag har opplevd ein stor pågang av nye medlemmar dei siste par åra, med meir enn 30 ungdommar på trening om tysdagane. For å gjennomføre treninga på ei god måte, ønskjer laget å investere i 2 nye elektroniske skyteskive

KUNSTFORMIDLING OG MUSIKK

Til disposisjon: kr 512.700

Rådmannens innstilling: 509.375

Antall søknadar: 35

I rådmannens forslag til innstilling er det foreslått kr 3.325 mindre brukt.

Drift

I forslag til innstilling er det løyvd kr 30.000 i grunnstønad til skulekorps og kr 300 for medlemmar under 20 år, og kr 200 pr deltakar over 20 år. Desse satsane er dei same som i 2013.

Vaksenkorps har fått kr. 7.000 i grunnstønad og kr 250 pr/medlem under 18 år, og kr 150 pr medlem over 18 år. Dette er ei nedgang frå 2013 då stønad til medlem under 18 år var kr 300 og over 18 år kr 175.

Kor har fått kr 1.500 i grunnstønad og kr 175 pr medlem under 18 år og kr 125 for medlem over 18 år. Dette er ei nedgang frå 2013 då stønad til medlem under 18 år var kr 200 og over 18 år kr 150.

Kaland skulekorps i Austrheim kommune har søkt driftstilskot. Dei har medlemmar frå Lindås kommune som spelar i korpset. Levekårsutvalet har ikkje praktisert å gjeve tilskot til organisasjonar som ikkje er heimehøyrande i Lindås. Desse er difor innstilt på kr 0.

Aktivitet/prosjekt

Medaasprisen er eit arrangement til ære for Ivar Medaas og kulturarven etter han. Medaasprisen blir årleg tildelt ein utøvande kunstnar som i Ivar Medaas si ånd tek utgangspunkt i lokale musikalske tradisjonar, og som brukar eigen dialekt. I 2013 vart Claus Sellevold tildelt prisen. Årets arrangement vert eit samarbeid med Musikkens Venner i Nordhordland og vert arrangert på Nordhordland folkehøgskule då desse best oppfylle dei tekniske- og kapasitetsmessige krava, ifølgje styret i Medaasprisen.

Meland barne og ungdomskantori søkjar kulturmidlar frå Lindås då dei har medlemmar frå Lindås i koret. Levekårsutvalet har ikkje praktisert å gjeve tilskot til organisasjonar som ikkje er heimehøyrande i Lindås. Desse er difor innstilt på kr 0.

Eikanger/Bjørsvik musikklag vart som norgesmeister 2013 invitert til å representera Norge i europameisterskapen for brass band i Perth, Skotland 2. og 3. mai 2014. Eikanger/Bjørsvik har deltatt i EM 18 gongar og har to første, fire andre og to tredje plassar som beste resultat. Deltaking i EM medføra ei ekstrakostnad på kr 470.000 for laget. Dette kommer i tillegg til ordinær drift.

Alversund skulekorps deltok med 2 representantar på dirigentsymposium i Trondheim 17.-18 januar. Målet er å kunne gje instruksjon i grupper og dirigere korpset ved fast dirigent sitt fråvær.

Oster Brass søkjar tilskot til å leige inn ei «inspirasjonsdirigent» som kan hjelpe med å heve nivået, motivere og gje dei yngste ei god oppleving på høgt nivå. Inspirasjonsdirigenten vil bli brukt på ei helgesamling og ein vil avslutte med konsert.

Alversund kammerkor framførte Hendels «Messias» i Myking kyrkje 27. april 2014. I tillegg til koret, vart det leigd inn solistar og musikarar.

Bjarte Leithaug arrangerte i vår KORIFOKUS i Nordhordlandshallen for 5. gong. Alle barnekor i Hordaland vert invitert til ei inspirasjonssamling med artistar og barnekorinstruktørar. Arrangementet er stort, og arrangør må leige stolar for kr 16.000 for å ha nok sitteplassar til publikum, då Nordhordlandshallen berre har 500 stolar.

INVESTERING

Alversund musikklag søkjar midlar til nye stolar og nytt el-anlegg. Huset er eit gammalt bedehus og holdar ikkje dagens standard når det gjeld el-anlegg. Stolane er frå 60- og 70 talet og trengs skiftet ut.

Oster Brass har gjennom mange år bygget seg opp eit stort og verdifullt notearkiv. Dei ønskjer no å digitalisere dette for å kunne halde orden og oversikt og gjere det meir tilgjengelig for sine medlemmar.

Seim musikklag søkjar tilskot til å kjøpe tuba. Musikklaget eig kun ein del av dei instrumenta som ein treng for å danne eit korps. Dagens drift krev at medlemmane må stille med eigne instrument. Ein tuba er kostnadsrekna til kr 80.000.

Lindås rockeverkstad har vore i drift i 2 år. Laget er ungdomsstyrt med vaksne «støttespelare». Rockeverkstaden er etablert i gamle Tinghuset på Lindås. Romma er lite egna til dette føremål og laget ønskjer å bygge lydveggar for å gjere lyden meir optimal og muleg å spele inn låtar. I tillegg er trommesettet slitt og treng utskifting. Lindås rockeverkstad er eit godt tilbod til musikkinteressert ungdom og vi ser fleire band som deltek på m.a. UKM frå rockeverkstaden.

BARN OG UNGDOM

Til disposisjon: kr 297.500

Rådmannens innstilling: 301.725

Antall søknadar: 27

I rådmannens forslag til innstilling er det eit meirforbruk på kr 4.225

Drift

Lag/organisasjonar har fått tildelt kr 150 pr/medlem for medlemmar under 20 år, og kr 100 for medlemmar over 20 år.

Eben Eser Fammestad har sendt 2 søknadar om driftstilskot. Eit lag skal kun sende eit søknad om driftstilskot. Søknadane vert sett under eit.

Kløvheim ungdomslag har søkt driftstilskot til laget samt til ino drift. Kino på Fammestad drives av Kløvheim ungdomslag på dugnad. Laget investerte kr 300.000 for å få ein digitalisert kino, noko som vart eit krav for vidare drift, for ca 3 år sidan. Kino på Fammestad er eit viktig tiltak i nærmiljøet. Mange ungdommar nyttar seg av tilbodet.

Aktivitet/prosjekt

Ung, blid og rusfri er eit prøveprosjekt for å skape eit tryggare oppvekstmiljø for ungdom i Knarvik, Alversund, Seim og Leknes område. Gjennom strukturert og forpliktande samarbeid mellom fleire partar, skal ein arbeide for eit ungdomsmiljø der det gjev prestisje og ikkje nytta alkohol, for å påverke ungdom til å utsetje debutalderen for bruk av alkohol og få fram det positive ved ikkje å bruke alkohol/rusmidlar. Knarvik ungdomskule, Lions Club Lindås og Idrett utan alkohol står bak prosjektet.

Sondre Sagstad Veland er student ved Griegakademiet. Han har vore elev i Lindås kuklturskule i ei årrekkje og har også vunne Kulturskuleprisen. Elevene ved Griegakademiet er pålagt eit bi-instrument 3. og 4. året. Sondre søkjar tilskott til kontrabass. Sondre satsar på musikken og har opptredd på fleire festivalar Vossajazz, Balejazz, Nattjazz. Han jobbar for tiden med å gje ut ei ny plate og skal i studio sommaren 2014.

Dei unges festspilldag er eit årleg arrangement under Festspillene i Bergen. Lindås kommune deltek kvart år både som medarrangør og som leverandør av deltakare på festspillene.

Vestre Vassbygd grendehus er grendehus for Leivestad, Thorsheim, Søreide, Gausereide, Kleivdal og Kålsås. Dei ønskjer å innreie eit rom der ungdommane kan sjå film, spele spel og anna aktivitet.

Samhald 4H er eit av dei største 4H klubbene i Hordaland med over 50 medlemmar. Dei søkjar midlar til opplæring til klubbbrådgjevarar og styret. Opplæring av tillitsvalte er eit viktig tiltak for å sikre ei god drift av laget.

Alversund KFUK-KFUM skal delta på vestlandsmeisterskap i speiding, tur med overnatting og landsleir i Asker. Speidergruppa må investere i ein del utstyr som er nødvendig for å delta på desse aktivitet.

Investeringar

Kløvheim ungdomslag eig eit gammalt forsamlingshus som treng rehabilitering. Huset treng nytt tak grunna lekkasje, skifte innreiing til eit meir tidsriktig kjøkken og brannsikre huset. Dette er store, kostnadskreivande tiltak.

Maksklubben på Lindås er eit kristent barnelag for alderen 4-7 klasse. Dei vekslar på å møtes i kyrkjelydsenteret og i Lindåshallen. Dei ønskjer å fornye sine aktivitet for å fortsatt vere eit attraktivt tilbod for barn.

Samhald 4H arrangerer årleg ein sjøsportdag. Målet med dagen er å gjere barn/unge trygge på sjøen gjennom lek og moro. Hittil har dei leigt utstyr til denne dagen, men no ønskjer dei å investere i ein «hoppemadrass» som ligg i sjøen. Denne aktivitet har vist seg å vere svært populær.

UL Heimhug søkjar midlar til rehabilitering av ungdomshuset. I en periode har det vore svært mykje brukt grunna ombygging på Leknes skule. Auka bruk førar også til auka slitasje. Laget ønskjer å skifte kledning, male og diverse innvendig vedlikehald.

Lindås ungdomslag søkjar tilskot til kulissar og mikrofonar. Regjeringa har vedteke at frekvensområde dei nyttar til mikrofonane berre er tillet i bruk ut 2013. Sidan det er forbode å bruke systemet dei nyttar frå januar 2014, treng ein ny mikrofonpark. Lindås ungdomslag har fleire framsyningar i året, seinast med «Grunnlov & nostalgia» i mai.

Nordhordland padleklubb ønskjer å starte opp nye aktivitet. Vannpolo har vist seg å vere populært blant ungdom og laget har sendt sine leiare på kurs for å lære meir om dette. Laget ønskjer å investere i utstyr.

ANDRE KULTURILBOD

Til disposisjon: kr 189.800

Rådmannens innstilling: 189.800

Antall søknadar: 33

I rådmannens forslag til innstilling er innstilling lik ramme.

Drift

Kirkens SOS mottok tilskot frå Lindås kommune basert på folketal. Tilskotet kommar til kommunen gjennom rammeoverføring frå staten. Kirkens SOS er difor innstilt på kr 0.

Det er etablert eit interimstyre for Lindås kulturråd. Det skal gjennomførast ordinær årsmøte innan april 2015.

AKTIVITET/PROSJEKT

Lindåstunets Venner søkar tilskott til å organisere frivillig arbeid knytt til Lindåstunet. Dei arrangerer m.a. trim og underhaldning for beboerne på tunet. Det er for tida eit uavklart drift av Lindåstunet.

Sjøutstilling i Lindåsosane er eit delprosjekt under LIVOGLYST satsinga i Lindåsbygda (assosiert prosjekt med midlar frå fylket), Lindåsbygda og slusene – frå oske til eld». «Heilt originalt» v/Elsiabeth Tonheim står som produksjonsansvarleg. Prosjektet ønskjer å utvikle Lindåsosane og slusene som oppleving, som ein del av å skape aktivitet i bygda. Dette vil dei gjere gjennom å skape kunst som vert plassert ut på holmar, skjær og berg i Lindåsosane innom slusene. Målet er å få på

plass 6 verk i løpet av våren 2014, og deretter supplere med eit verk i året framover. Prosjektet vil difor generere mest kostnader det første året. Utstillinga vil stå permanent og forfalle naturleg av ver og vind. Utstillinga skal opnast i samband med «verdas lengste sjømatbord» på Lindås i juni.

Nordhordland næringshage er i samråd med næringssjefen i Lindås, prosjektansvarleg for «Lindåsbygda og slusene – frå oske til eld». Prosjektet vart tatt opp som assosiert prosjekt med midlar frå LIVOGLYST Hordaland i desember 2013, og har etter den tida vore aktiv i mobilisering av bygda. Per i dag er det eit variert utval av bygda sine aktørar som inngår i ressursgruppa i prosjektet, både frå reiseliv, gründerar, songkor, rockeverkstad, opplevingsaktørar, kunstnarar, kulturformidlarar osv. Lindås kommune ved næringssjefen og kultureining har vore med i prosessen frå starten. Prosjektgruppa bestående av nokre av repr frå ressursgruppa med Elisabeth Tonheim i «Heilt originalt» som prosjektleiar.

Eit av mobiliseringstiltaka i prosjektet er å arrangere eit sommararrangement. Etter folkefesten i samband med opning av slusene i august 2013, har det vore eit uttalt ynskje både frå grupper og enkeltpersonar om at «dette må vi få til igjen»! Ressursgruppa har difor bestemt at det skal jobbes for eit årleg sommerarrangement i området kor det gamle sentrum på Lindås er (Nedre Lindås). For å lage eit unikt arrangement som kan marknadsførast også utanfor bygda/regionen, vert verdas lengste sjømatbord etablert. Verdas lengste sjømatbord er såleis eit unikt arrangement som bygger på eit unikt samarbeid mellom mange ulike aktørar og enkeltpersonar i bygda. Sjølv om sjømatbordet vil vere hovudattraksjonen, vil det vere eit stort og variert utval aktivitetar kor dei ulike aktørane bidreg på ulike vis.

Arrangementet er også ein del av Lindås kommune si 50 års markering som eige kommune. Rådmannen innstiller på kr 40.000 til dette prosjektet. Det er eit stort og omfattende prosjekt som har eit langtidsperspektiv og som involverer mange. Det kan verte eit synleg arrangement som set Lindås bygda på «sommerkartet».

Nordhordland fotoklubb skal arrangere kurs og foredrag for sine medlemmar samt kjøpe utstyr til fotostudio.

HIF Nordhordland (hørselshemma forbund) skal arrangere sosiale treff for sine medlemmar med foredrag.

Osterfjorden pensjonistlag skal på utflukt med overnatting.

Koret Osterklang er invitert til Torrevieja i Spania for å delta på korseminar.

Eldbjørg Ness søkar tilskott til etablering av leikeplass på Spiki. Det er ikkje oppretta velforeininga, men det har ein planar om. Rådmannen rår til at det vert sendt ny søknad når velforeing er etablert og kan stå som søkjar til leikeplass.

Stordalen vel søkjar tilskott til å kjøyre opp løypar i Stordalen. Stordalen er eit av dei mest nytta utfluktsområdar for folk frå Lindås og mange har hytte i området. I tillegg vert område nytta av mange dagsturistar frå Lindås som eit populært ufartsstad.

INVESTERING

Søknadene er prega av at det er eit stport vedlikehalds/rehabiliteringsbehov for å sette i stand gamle forsamlingshus. Nytt el-anlegg, toalettanlegg mm

Kløvheim bedehus søkjar midlar til å utvide parkeringsplass. Søknaden vart fremma i 2013 og fekk kr 0 i støtte.

UL Idun søkjar om midlar til rehabilitering av kjøkken /vaskerom. Lindås kommune leige lokalar til ungdomsklubb på Ostereidet hos UL Idun. Kommunen betaler kr 6.000 pr/mnd og har leigd lokala i

snart 4 år. Det betyr at ungdomslaget snart har fått kr 288.000 i husleige. Nokre av desse midlane kan nyttast til rehabilitering. Lindås kommune har inngått ny leigekontrakt i 3 år til, noko som medføra ei inntekt for laget på kr 216.000.

KULTURVERN & SAMLINGAR

Til disposisjon: 282.400

Rådmannens innstilling: 230.000

Antall søknadar: 14

Det er forholdsvis få søknadar til kulturvern & samlingar, sjølv om behovet kan vere stort.

Lindås sogelag har flytta sine magasin og utstilling frå Seim til Festo skule. Dette har vore ein kostnadskrevjande prosess.

Eknesvågens Venner skal i år som elles, delta på Kystsogeveka med eit innhaldsrikt program, I tillegg vert det søkt om midlar til nytt toalettanlegg.

Nordhordland frie vikingar skal arrangere sommarleir på Lyngheisenteret. I år vert det større fokus på aktivitetar retta mot familiar. Arrangementet er eit samarbeid med Lyngheisenteret.

Stiftinga Håkonshaugen søkjar kr 12.000 til leige av kostymelagar. Stiftelsen er under avvikling og det finnes midlar i buet. Stiftelsestilsynet skal ta stilling til kva som skal skje med eigedelar når buet er gjort opp. Styreleiar i stiftinga opplysa at arbeidet med oppløysning er på gong.

Lindås bygdelag har reist ei statue av treskjeraren Katarina Saltnes. Katarina fekk polio som barn og mista mora då hun var 4. Hun vaks opp under vanskelige kår, men var skuleflink og fekk muligheit til å undervise. Treskjerararbeidet hennar var kjend og ryktet sprette seg heilt til hoffet i Stockholm. Katarina budde hos den norske statsministeren i Stockholm i 2 år før hun returnerte til Lindås. Katarina budde på «lægd» resten av sine dagar og levde til hon var i 70 åra. Fleire av arbeida hennes kan ein se m.a. i Lindås kyrkje.

Inger Johanne Lygre søkjar om tilskot til rehabilitering av huset der Aslaug Låstad Lygre vaks opp i på Lindås. Huset er i privat eige og Lindås kommune har ingen samarbeidsavtale med eigar (Inger Johanne Lygre).